

壺關縣志

卷十

藝文志下

詩類



藝文志下 詩類

魏

苦寒行

時來圍壺關故經羊腸坂

武帝

北上太行山艱哉何崔巍羊腸坂詰屈車輪爲之摧樹木何蕭瑟北風聲正悲熊羆對我蹲虎豹夾路啼谿谷少人民雪落何霏霏延頸長歎息遠行多所懷我心何拂鬱思欲一東歸水深橋梁絕中路正徘徊迷惑失故路薄暮無宿棲行行日已遠人馬同時饑擔囊行取薪奔冰持作糜悲彼東山詩悠悠使我哀

壺關縣志

卷上

藝文下

一

唐

賜崔日知往潞州

帝國開新府壺關寵舊林妙庭循吏德持悅庶氓心禮樂中朝貴神明列郡欽揚風非贈扇易俗是張琴藩鎮詭譎滿行宮雨露深會書丞相策先賜潁川金

奉和聖製早登太行山中言志

苗晉卿

金吾戒道清羽騎動天聲低路當南絕重巖始北征關樓前望遠河邑下觀平喜氣迴與台前風轉旆輕祝堯三老至會鳴百神迎月令農先急春蒐禮後行仍新后土祭更理晉陽兵不似勞車嶺空留八駿名





素衣邱壑寄生涯相近衡茅共幾家同聽松音臨水石  
坐看山色老烟霞林中有鶴窺來客岩畔無人見落花  
但把琴書消白晝不須爐裏煉丹砂

壺關道中作

韋 莊

處處兵戈路不通却從山下去江東黃昏欲到壺關寨  
匹馬寒嘶野草中

宋

題紫團山三十六景

共存十六首

王 案

迎場峯

壺關縣志

卷十

藝文下

二

陽燧初升八極車飛光猶帶赤城霞山英固有葵心在  
不許羣峯取次遮

三秀峯

山形疊疊掩禪關長薄蕭森落照間天女欲誇新結束  
都將翠藻簇煙鬟

天柱

不分蒼園西北傾只將一柱與撐撐而今六幕安然處  
應教斯人樂太平

磨崖

家山木石韶溪接使節會過砥柱遊見說紫團銘勒處



西風千里重回頭

瀟緱溪

江上老人終獨往塵中孺子果何知  
溪翁欲識滄浪意看取青霄浸月時

東華表

借問遼東鶴歸來得許悲浮生隨念變何待塚纍纍

西華表

寄謝西朝相神奸古有圖如何延客處庭燎照豐狐

碧蘿峯

風曳山妃帶雲穿木客衣青松容嫋嫋紅葉半飛飛月

壺關縣志

卷十 藝文下

三

為幽人罷春從舊處歸明朝碧峯外試與伴斜暉

金屋山

雲拂層峯四面朝朝陽北過更岩巖金仙自合居金屋  
不為膠東貯阿嬌

鷓尾山

天借溪山奠佛居全將帝所作規模瑣光不識真鷓尾  
何笑區區問越巫

山翁崖

仙翁愛山居留形在東嶺風林度嘯聲雲壑漾飛影華  
髮欲蕭蕭青暉猶耿耿追踪有名流回首發深省



雙雲亭

唐憲初從世網收一邱一壑此優游邦應化作飛雲處  
長向亭前伴客留

老人峯

江廬已別游河侶商洛休陪謁漢賓獨立南山千嶂裏  
長將萬壽祝嚴宸

南極園

清徽有逸仙疇昔下南極紫氣遠成圖照此大白域芝  
田手所耘地靈亦知畷雲根一十八劖掘安可得惟餘  
亂峯間喬林竦寒色

壺關縣志

卷十 藝文下

四

紫團勝賞聞之舊矣壺關大夫俾圖作讚欲得予詩  
時在管城錦繡潭上自食至晡已賦三十六景因以  
草卷寄之時政和六年秋九月旣望乙巳輔道書郡  
志曰輔道書字神奇原刻十二石亦以搨本累僧碎  
之誅於山麓後人踪跡掘之只得八石砌之慈雲寺  
壁間後止存四石順治十八年知縣朱輔移置學宮  
按壺關誌紫團山三十六景詩宋政和中王宋字輔  
道者所作以應邑大夫之請者也原刻十二石即其  
手稿書法神奇可愛始以搨本累僧埋於山麓後人  
踪跡掘之止得其八嵌慈雲寺壁間後又止存其四



國朝順治間縣令崇德朱公移置學宮蓋是石之不全  
已久而珍重愛惜之者後先一轍也余始至壺學即  
訪求之聞止有一石亦無覓處今年秋忽以無意得  
之拂拭之餘如獲珍寶竊謂此石既置學宮當垂永  
久乃僅百有餘年又復漸就湮沒豈愛與不愛人情  
固有不同耶抑此石之顯晦亦有數存其間耶余不  
忍既得復失又望後人因其一而更留意於其三也  
因葺之齋舍壁間並誌其顛末如此乾隆辛亥中秋  
解梁呂天培識邑人王遐齡書

金

壺關縣志

卷十 藝文下

五

寶鼎僧舍

宗道

寂寂鍾魚相滿軒午風輕颺煮茶烟西堂竟日無人到  
只許山人借榻眠

北極山

連縈

撐破白雲積翠環孤峯遙倚北辰間  
黎川歷歷憑高望  
幾點村煙落照間

和前題

江受益

竒峯翠嶽出雲霄東比終南太華高  
萬壑烟霞深有意  
向人招隱莫徒勞

明



高皇帝與四輔遊東苑詩

踞蟠龍虎肇賢豪高帝五色卿雲炫日月臣杜王氣

然垂景象民風樂耳見昇平臣龔山河百二金陵最臣

皇臣民宇宙千秋帝業成臣李暗憶六朝興廢事高帝貞

祥未盡又加貞臣杜

紫團山

潘憲王

紫蓋雲霞合青天石壁開禪僧坐溪畔幽鳥下山隈地

有長生藥門多隔歲苔鳴鐘天向夕清響半空來

應召上京

杜敦

符使星馳到華門草茅何者敢踰垣鞠躬出拜王言辱

壺關縣志

卷十 藝文下

六

策杖來朝上位尊輦御六龍登黼座樓棲雙鳳叫天闕

方今復觀勳華盛蕩蕩巍巍至今存

題紫團山二仙廟

梅之尹宣城

山到紫團高萬丈半空樓閣二仙祠天臺劉阮非今世

湘浦皇英望九疑旭日窓櫺青鎖闥晴嵐簷瓦翠琉璃

鄉民盡說格天孝香火能供不斷時

寄壺關縣丞郭柏

杜敦

獨員縣丞才三月雷厲風飛見設施日夕花封猶聽政

日明松院正哦詩康莊當展龍媒足枳棘非棲鸞鳳枝

卓卓到今千載遠料應德教有光輝



送致道先生詩

三首并引

申南邑人

聘君南坡致道先生朝京潞郡大夫庭芳李先生  
士龍郭公歌詩以華其行甫南坡筆硯友也詎容  
緘默勉裁三詩布鼓雷門實自慚耳

其一曰南坡

南坡老明經鬢髮如雪智囊深無底眼孔大如月樂  
天安士卧東山義胆忠肝瘳如鐵芝香薇嫩蕨芽肥及  
時自釀松醪酌衣裁荷芰佩紉蘭枕石漱流尚高節富  
貴惡能淫威武安能折丈夫真是天下奇襟懷玉鑑冰  
壺潔亂世保身脫網羅克剛克柔克明哲治朝符使天  
上來翻然應聘朝京闕京闕懸遙一千里騎鯨遠涉吳  
江水吳江滔滔浪泊天一着神鞭土鶉尾叩閭闔瞻天  
顏敷奏萬言策字字銷琅玕行道濟時素志酬周公夢  
復非邯鄲黃袍虛席久矣望子爲稷契豈止爲謝安

其二曰太行路

太行路何崎嶇相逢盡道能摧車冷雲直上三萬丈一  
線之字百折通天衢飛猿健鶴不得上古雪空巖巖但  
見巔峯疊獻宛如快劍削出青芙蓉霞吐雲蒸如畫圖  
天壇玉屋遙相望洞府住來飛仙居元氣若不死挺然  
南坡君子儒居仁由義力有餘閉戶琅琅勤讀書三老

壺關縣志

卷十

藝文下

七



策杖道相訪珊珊離佩離瓊瑤歛容拱手趨坐隅山鬼  
獨脚呼椰榆秋風拂焦尾夜月彈琵琶物欲淨如掃玉  
鑑與水壺豈是蓬蒿人眞誠大丈夫何奈時不偶笑彼  
三匝烏熙熙暮景垂桑榆夜來天使敕敕符策杖遙遙  
下太行應聘遠朝天子都致君堯舜歌唐虞

其三曰清時

清時賢路開曠達平如砥州縣忽傳宣召彼古君子猗  
欒南坡翁靈臺湛秋水學問際天人有德復有術居易  
於中席言行相表裏俾之展經綸允克慎終始霖雨霖  
與民足以歌愷悌徵書下五雲天使來親禮猿鶴驚離  
壺關縣志

卷十

藝文下

八

羣扶杖翩然起行行詣神京前程難但已調鼎志不倫  
陰陽可變理功成拂袖歸流芳播青史

送致道杜先生應召赴京

張肅 邑人

人生應有觀光日公去金陵八月時秋色一江揚子渡  
天香萬里桂花枝草堂事業知工部御史風流說牧之  
自古冶城登眺地好詩相寄莫相違

喜雨篇送杜致道先生

有引

梅之尹

時亢旱喜雨巽舍舉酒餞別因作詩贈焉同會者  
有吳興呂侯士安三山郭公永齡幕賓絳陽馮遵  
道稅使魏津李思敬邑庠生王進城曹九齡館下



諸生馬文淵輦二十人俱書壁間以記歲月云爾  
去年五月禱即雨今年七月猶虔虔行香三日乃小雨  
五日甘澍始沛然不才愧攝百里政民命實係蒼蒼天  
君恩有詔甚優厚天下大復秋租全兩賜時若又豐稔  
康衢擊壤雍熙年吳興呂侯有善政餘波流澤無後先  
三山郭公興利永兩池水滿歡聲傳邑中官曹與學校  
彬彬人物俱時賢太行杜公近被召恩波萬頃天池邊  
非熊之兆後車載白頭拾遺黃麻宣朝廷鳩杖作圖書  
議論獻納近御筵泮宮諸生此餞別賦詩因贈喜兩篇  
送杜徵君先生致道赴京  
任 邑人

壺關縣志

卷十

藝文下

九

老成文物出山林天上君王降德音鸛鷺階前趨白玉  
鳳凰臺上築黃金星星蒼髮三千丈耿耿丹衷一寸心  
不是傳巖勞版築未應夢寐起商霖

前題

馬文淵

邑人

邦國徵賢此有光扶輿清淑產忠良甫申降誕維崧嶽  
澤潞連城擁太行金馬門高長待詔木樨花發早生香  
朝廷側席需求急學問淵源爲發揚

前題

牛景鳳

邑人

林泉杖履自春秋徵詔今從上國遊舟楫一江南北塹  
車書四海帝王州差差星北烏衣巷蕩蕩波平白鷺洲



此去先生登眺後  
珮聲鳴向鳳池頭

前題

桂 亮 邑

草廬龍卧七旬高  
丹詔星馳起鳳髦  
夢協傅巖賢易夢  
氣冲牛斗劍難韜  
細瓊侍講應前席  
大厦經筵或賜袍  
天下蒼生望安否  
好將甘澍普林樅

前題

李維馨 上黨人

金陵王氣正繁釐  
方是明良際遇時  
禮樂車書南北混  
江山形勢古今宜  
鳳雛麟趾盈郊藪  
虎踞龍蟠壯帝基  
歛鏐藏鋒待時用  
此行不負帶徑爲

重刊縣志

卷十 藝文下

十

邱園誰識較符名  
鍾門已備尊賢禮  
遇主應抒報國誠  
幸際風雲千載會  
好將霖雨濟蒼生

前題

郭 栢

駟跡山林俟世清  
豈知白首尚窮經  
金門玉笋開堯日  
銀漢仙槎起客星  
致治有爲惟一語  
求賢何必待三徵  
此生好慰蒼生望  
盡把經綸徹聖聰

受官

杜 敷

應聘叨聯宰輔班  
九重宮闕幸躋攀  
時論風化巖廊上  
日近天顏咫尺間  
紫禁進趨冠岌岌  
青宮步履履佩珊珊  
入臣補報心渾赤  
方得稱爲不素餐



辭秩

老我為儒秩本寒使符飛下促征鞍朝班竊位三公次  
齒序叨居四輔端雷夜被宣謨紫禁雨晴承制賦金鑿  
只因溺殿東方朔犯得天顏許掛冠

紫團山 二絕 鈔一

磴道崎嶇雲作梯登峯環抱古招提何時得解黃塵鞅  
卜築紫團深處栖

題杜四輔

劉欽順 荆南人

前山傷槁木昭代聞人出一戰勝河東獨步廣寒宮飛  
龍瞻淮甸夜夜夢豹變山樊入天使大人時利見黃樞

壺關縣志

卷十

藝文下

十一

則為臣青宮則為友魚水歡莫既素絲梳滿手

中書省與吳伯宗相和

郭 玗

鳳凰城闕紫霄間懋數丕承王氣還舊說圖書符洛邑  
載瞻玉帛會塗山太平有象耕桑盛邊奏無聞甲冑間  
自古英才躋盛美願歌天保達龍顏

聞壺關寇平侍臣勸功寄贈

李夢陽 崆峒人

岩巖上黨接壺關仗鉞東行歷萬山巖東雪堆擒虎窟  
壑腥雲嫋斫龍灣嶰嶰路透魚樵入蒼葑林清烏雀還  
為問登高能賦者霜毫幾掃白雲間

題江村魚樂園卷

杜 敷



一葉之舟其爲屋也悠悠曾不葺修百尾之鱗其爲糧也陳陳曾不囫圇是爲葛天無懷氏之民有客倚杖而歌之曰採春江之毛兮彼菖者蒲捕秋江之魚兮彼肥者鱸左琴與書右樽與壺貧歟富歟寵歟辱歟夫何知歟

謝友送菊

清曉秋香入夢魂短僮攜菊到衡門金英采采沾衣袖翠樹低低可瓦盆欲療枯腸供一嚼且從案上寄孤根等閑不使西風笑猶餘對花酒滿樽

客遇中秋嘆我生眼空節物坐苧亭老天萬古此明月  
壺關縣志 卷十 藝文下 十三  
故友幾人如曉星南北連天猶戰伐衣冠何地不凋零呼童旋貰西隣酒拚却今宵醉不醒

杖

齒豁眉龐氣血衰常扶五尺瘦筇枝世途賴爾無傾跌心地於予不險危鄉飲每陪先出禮毀班嘗預早朝儀歸山惟愛跣趺坐何復攜君有所之

贈卜者張雲溪

雲溪老人八秩翁髮如老子顏如童身世浮雲薄四海胸懷列宿森九宮坎離顛倒煉金鼎象數推演敲銅鐘君平貨卜勸忠孝百錢閉肆名無窮



贈道士

閉口嚙言天下事讀書求見古人顏龍祥道士無人嫌  
欲煉長生九轉丹猿鶴嘯參風露冷松筠晚對水雲閑  
釀成白酒春生醉讀罷黃庭月滿壇愧我尋真猶未得  
空留名性在人間

上郭丞鑿池

混沌既開闢清濁乃奠居水居五行始生成一六配其  
氣升乎天其質行乎地流者以為坎止者以為兌險則  
滔不測說則通且濟既云為至足此邑何難致引泉無  
津源掘井極深昧汲挹苦長緘瓶罌恨虛器夫何免渴

壺關縣志

卷十

藝文下

三

孰是宜惜沐頰偉哉資大丞愛民形夢寐為鑿方圓池  
修治絕汗穉至誠感必通甘澍忽滂沛水潦注以盈澆  
壑清乃匯月浸波光平風皺水紋細汲之意隨足取者  
力為易遠近既通潤上下盡惠利農民歌諸野商賈忻  
欣布誰如公之仁亦見公之智澤期施無涯謳頌名弗  
墜

玉峽關銘

玉峽關者夏子劍焉而命之名也舊曰風門口在  
隆慮萬山之巔為兩河三晉之界蓋天作之險也  
前此弗設守庸氓往往憑阻以拒命吏迺即是關



焉關成而繫之以銘

太行盤盤橫厲中原近引河朔遙綴崑崙太原大梁爲國雄藩壺關林慮界於花園鳥道崎仄輪摧馬煩怪石離列熊攀豹躡連崖壁立屹如墉垣絕頂中斷是曰風門俛臨夜壑仰逼朝暾一夫挺身萬騎空屯設險甚固王者道存廼告守吏爰作鍵關勒銘巖阿寵以瑤琨匪險在德用戒囂昏

虹梯關銘

玉峽關西來餘百里近若千峯壁立中通峭峽狀如風門而小下則無底之壑石磴齒齒盤迴霄漢

壺關縣志

卷十

藝文下

十四

望之若虹霓然比歲青羊之寇憑負以拒汴師者此也故號洪梯予易以今名亦因以關焉從而銘石厓攀天仄磴千迴邱于塞明俯臨蔽霧鐵壁勾連豁豁中開觀者駭魄行子心摧亘如長虹橫絕天階彼昏者猷肆其喧虺爰據培塿以抗震雷卒於大刑亦孔之哀太行之阿大河之隈關門弗嚴維帝念哉北山有石南山有材經之營之突焉崔嵬侍臣作銘以詔後來

紫團八景有序

張

鐸邑人

紫團三十六景宋政和中王家字輔道者應邑大夫之請者也詩刻半存得景二十有二伊昔象形



命名意各致寓人代家國兵燹薦經詞客國人遊  
賞罕繼今諸峯雖羅列而名號湮沒殘碑所遺亦  
漫無可指遂使名嶽兒孫惜焉失傳予慕昔賢之  
高致憐真景之娛人參攷詩義符此近稱取其尤  
彰著者列爲八景摘詞製之聊以當博奕云爾

橋樓淙淙去聲即轉道之仙翁崖也

徑轉橋樓出弱斷猿鶴驚捫蘿防磴滑拄杖看雲生仙  
去樓空閉橋深淙自清臨風操綠綺山水獨含情

雲蓋寺即駐雲亭也

下馬禮空王道遙步法堂名山雄晉魏紺宇自隋唐雲

壺關縣志 卷十 藝文下

五

擁諸天濕風生六月涼閑仙當日事踪跡已微茫

將軍峯即東西二華表也

招提依絕壁門拱二將軍受職鎮靈境荷戈凌紫氛威  
名千古著梵宇半空間仰止欽高躅徘徊散夕暉

照壁山即屏堵山也

真僧已入定羣動欲開顏天啟如來鑰門寫照壁山翻  
經忘色相說法掩禪關蒼翠空相對巉巖不可攀

倚秀峯乃照壁前山展高而秀者輔道所著今名無稱焉

屏牆相對峙突兀見高峯玉女新粧出山巒翠岱濃雲  
霄橫綺縠河漢插芙蓉不費尋幽力塵寰那得逢



濯纓溪

輔道所  
著名

小溪分瀑布素練靜無聲到此謝塵鞅因之濯纓纓名  
因孺子重水得聖人清剩有觀瀾興憐君欲結盟

參園

即南極園昔有傳照參飛仙者本草  
亦品紫團參為上今園已墜而田矣

瑞草象人形名園倚畫屏百年仙跡迥此日法輪停市  
藥僧常繫巡山戶盡扁貧婪祈小吏衷怨若為聽

磨崖碑

舊名與  
今異

懸崖鐫古籍拂石辨蟲魚壁立人難近光瑩玉不如僧  
能問奇字佛亦護名書讀罷迷心悟山靈若啟予

佛耳摩雲二首

壺關縣志

卷十

藝文下

六

百道飛泉遶翠微四圍丹嶂映禪扉時看鬪雀汗經案  
似解真僧已息機

狹徑前村人去獨長空斜日鳥飛雙憑軒一幅春山畫  
漫學丹青寫北牕

前題

五言律  
二錄一

勝概分黎國崇岡俯柏林到來天逼近坐久氣蕭森白  
日生靈籟青雲接地陰塵機何日息從此聽禪音

前題

茅

坤鹿門  
人

攜溪如來境相參高木林壑深雲出沒堂邃氣蕭森恠  
石生蒼蘚疎松轉綠陰曉來堪聽處梵語雜禽音



前題

楊漑

禪開絕壁迥清幽洗鉢焚香任客留  
吐白雲濃澹出溪倚碧玉淺深流  
松吟絲竹偏宜夏地遠炎蒸剩有秋  
閒說尋真還遯世何如結宇此山頭

前題

七言絕二首鈔一

楊湘

路隔紅塵俗眼稀閑雲幽鳥總忘機  
山僧鎮日無他事獨坐松陰補衲衣

前題

張鎮

捫蘿直上費躋攀暫憇禪宮心自閑  
山岫雲歸明月夜樓松鶴去紫團山

壺關縣志

卷十

藝文下

七

前題

朱雲風

佛耳高插天掩冉雲滿谷遊人玩奇變  
听夕看不足迎風翠蓋翻映日錦屏轟  
曉寧霖影紅晚盪黛光綠卷舒總無心  
悠然潤林麓蒼生渴霖雨遮爾生百穀

北極靈跡二首

陳霆

德清人

峯迴松風長危蹬出蘿葛上有紫皇殿  
碧瓦耀青昊帝尊儼廟坐祝史嚴祀掃  
風雲擁與衛日月照龍藻達人慕真境  
遺世歎不早何當置靈鑪住此種瑶草

三晉古雄國歷世多異人  
崑崙山賢開國世文臣  
當時撥神笏塑偶起欠伸  
登龍首臨陽氣壓三千羣  
誰云



貌不揚便腹皆經綸何時非道像千載騰風塵

前題

劉 麟 安仁人

翩翩玉堂子迢迢湖水濱  
瞻彼取笏者結屋乃比隣  
大者昔造命况復聖且神  
郭公會其逢易置如轉輪  
於何幽冥申默定良以勤  
永懷世上事夢卜其何人

遊紫團山

孔 廌 金陵人

武夷山下紫團開曾見元朝司馬來  
濃淡山粧西子貌  
淺深波瀆梵王臺  
鹿啣芝草歸僧院  
鶯蹴桃花落酒杯  
風景似非人世界却疑魂夢到天臺

過壺關

前人

壺關縣志

卷十 藝文下

六

壺關三月氣蕭森  
滿地風塵接暮陰  
行過溪橋問春色  
數株松栢對孤岑

翠微仙洞

顧應祥 吳興人

樂家二女此登仙  
留得芳名百世傳  
豈有靈丹能蛻骨  
祇因純孝自通天  
雲輶鶴駕秋空遠  
澗草溪毛歲事虔  
欲向翠微問消息  
歸來華表是何年

佛耳山

劉 麟

佛有骨亦有齒  
世賢不用輕相訾  
晉嶺蟠空天下無  
擇勝呈聰露其耳  
當時養性僕養身  
宛轉形容尚孤峙  
佛今已入無何有  
化作青峯常住此  
聞人附語或厭凡  
靈



肌烈烈長風起入寺烹茶烟火生僧伽半道人羣是何  
時幻質復西來共開清聽探元始

縣居詩有序

錄四首

牛恒武功人

予未第時聞姚武功縣居詩心竊慕之嘉靖丁酉  
冬來知壺林山幽道僻頗多暇日每有感遇輒興  
吟咏率用其韻積若干首因題曰縣居詩亦效琴

意云

武屋終南下別來跡漸疎自知山縣印羞見故人書  
蕙帳空驚鶴苔磯想釣魚終朝刀筆裏何處覓元虛

龍溪遙獻翠壺口舊開關三老已云去今人茲未閑幽

壺關縣志

卷十

藝文下

九

崖花自發落日鳥空還樂氏二仙女飄飄出世間  
涼風生嶺下秋思與誰論松菊荒三徑漁樵自一村思  
親時望遠卧病暫關門何時從微宦久違庭下言  
驅驅臨遠陌父老出村迎一見識淳俗十年不入城禾  
麻連遇電兒女盡春聲重愧余爲令民艱早未明  
送紫團山人歸山山人能詩每夢與李白遊

王雲鳳

紫團山湧千尋碧處處雲霞老松柏澗底春逢石乳垂  
洞中時見仙翁變君能遊之不憚遠夢中談者彷彿李  
姓而名白仰攀日月明俯瞰天地窄樂莫樂兮茲一遊



至今瞻眺情無極君停雕鞍我歌紫團柳綠垂堤綠  
花映水丹我歌紫團君停雕鞍君歸兮浩浩我愁兮漫  
漫望紫團兮曾不咫尺太行崔嵬兮羊腸艱仙翁袖有  
餐霞編欲往從之是何年安得與君跨兩鶴山頭長誦  
逍遙篇此行若見謫仙語謫仙授子以仙譜果然假寐  
夢青蓮恍如握手傳仙訣春鴈來時寄我書莫待長安  
飄素雪

登寶巖寺觀金燈

崔士榮

太行千里亘地軸隆慮西來羣峯轟嶽嶺下梵宮開  
景相端嚴擬天竺玲瓏亂垂如倒蓮石龕空洞似華屋  
壺關縣志

卷十

藝文下

三

棟宇追琢皆文章千佛萬佛駭人目神工運巧如巨靈  
泉水涓涓繞佛足昔聞清夜現神燈半信半疑心未服  
花朝携友一登臨詩囊酒盞隨童僕曉行紅日上高岑  
俯看白雲滿空谷行行杖屨近青霄寥寥塵寰真一掬  
半山雨落濕樵薪山上朝墩凝樹綠來來往往人攀躋  
香火朝神相陸續輓轆千尺下瓊漿岩底行人消吻酷  
洞霄佛手浴清冷頂偃古松蒼蓋覆平生癖性愛烟霞  
天下奇觀可稱獨夕陽對酌發高歌近夜看燈試密祝  
忽然對山一星明清輝晃晃如行燭須臾數點起四山  
眼底洞中五燈簇乍明乍暗焰熒熒遙遠還近光煜煜



分明出現摩尼珠龍女呈來照林麓遊人大吃號佛聲  
果是山靈酌我欲僧人邀我坐禪林手捧清茶奏梵曲  
細問此山開何時住持誰者留芳躅云昔修定芋上人  
石窟端居虎自伏示寂一性返靈山百年遺骨香如玉  
寶塔幽堂卧儼然過客容嗟盡瞻肅聖境須生聖者成  
梵天魏表亭毒聞言不覺豎顛毛胸中愁須消萬斛  
禪宗我悟最上乘都此佛靈莫敢賣同行俱是青雲流  
紀勝教予書東牘西山奇蹟滿襟懷歸家可作田遊錄  
小窻一枕醉春風清夢夷猶伴猿鹿

同賈廉父遊紫團山 七首錄二

周一梧 長后

壺關縣志

卷十 藝文下

三

二仙祠

一水千山轉琳宮天際開仙娥冲舉地香火歲時來洞  
口留丹竈峯頭餘鳳臺知君有遐想臨去更徘徊

白雲寺 時遇

鷲嶺轉三車深林景足嘉禪林無外戶僧飯有胡麻一  
雨消塵障連朝落寶花慈悲如愛客故遣白雲遮

蓋雲寺

白馬來從天竺西寰中勝地盡招提閬仙曾借禪關隱  
雲蓋因留蘭若題落日荒山迷草徑連天絕巘擁虹梯  
雄文古剎消殘劫忍聽愁猿半夜啼



紫團山峭拔翠聳俯瞰雲烟中開瀑布湧泉  
洞府求之海內不可多得而諸刹又創自隋唐  
重佛從文之世宜詩文摩刻無少遜於少林諸勝  
境乃宮殿皆委於兵燹而雲蓋又先爲崩崖所壓  
僅得磨崖一碑至慈林有輔道三十六詩而已亡  
其十四舟車不通人跡罕至居人鮮探奇攬勝之  
士是以作者旣湮述者未接地主乏九方之識而  
山靈負鹽車之泣矣使此山移之長安吳會則闢  
揚點綴操管城而紀靈異者將汗牛充棟豈至寥  
寥若此哉撫景增歎總賦一律而返

壺關縣志

卷十 藝文下

三

薄遊尋勝跡窮探入幽深斷碣蟲書缺孤碑草色侵泉  
聲喧急澗陰雨蔽秋林惆悵隨歸雁空懷吊古心

題風穴

郭恬邑人

古祠王嶺下一穴自虛中獨擅吹噓力因知神妙功時  
聞疑沸水秋至若鳴蟲造化有奇秘探之渺未窮

約遊紫團山

達人謝塵鞅誓將名山遊况乃紫團麓鏡傳風景幽懸  
崖藏古寺瀑布瀉寒流何日松雲下得陪杖履遊

登栲栳山

西南壺邑鎮栲栳有名山虎踞眞形勝仙壇亦壯觀吾



儲此眺望終日共躡攀觴詠情何極煙光夕未還

遊紫團慈雲寺

鄭愔

深雲幽寺隱山隈古柏青松蔭石臺草據參園仙女去  
雲遮龍洞暗泉來風生幽鳥穿林出雨過閒花對酒開  
世事浮名何用絆此身今夕到蓬萊


送人還壺關

明周

林花未吐怯輕寒人在天涯送客還千里好山迎馬首  
白雲飛處是壺關

友松亭

楊四易 邑人

呼童挈壺榼來酌松峯亭嬉笑對良友待月臨前庭野  
壺關縣志  卷十 藝文下

三

曠天氣高白露凄以零回念平生權短髮已星星酒闌  
醉扶歸昏昏不能醒

國朝

題寶岩寺

程之昭

花園村踞太行巔上有古刹栖枯禪入夜金燈往往出  
乍明乍滅樹林邊觀燈佛子歸佛力自我思之恐不然  
中土無佛山即有此燈燦爛幾千年非從白馬馱來物  
不稽之語莫輕傳暇日偶看草木子謂燈皆是山靈宣  
明珠一顆皆潤浦良玉一片能輝田寶藏之興萃陵谷  
自然光怪冲雲天峨嵋簡州衝嶽地匡廬天章太白前



到處有燈驚耳目豈皆天然福尚緣鄴下崔生名下士  
流連詠物題詩篇才華俊逸但佞佛佛日豈借燈增加  
我作此言告來者讀書明理莫牽纏山歸山兮佛歸佛  
鑑朗衡平兩不偏

遊紫團山

朱輔

紫團如蓋鎖山隈石燈層層曲徑開萬木蕭森環古寺  
一潭澄澈曳青苔昇仙妹子餐霞遯攬勝遊人躡屐來  
只此徜徉堪永歲不須園裏問參苓

玉峽

牛倬

上黨崔嵬甚羊腸鬼斧開路從雲裡出人自日邊來

壺關縣志

卷十 藝文下

詩

宿寶巖寺

巖間清夢醒牕外白雲飛世事渾忘却鐘聲入翠微

送馬令琰赴任壺關

汪由敦

絕綬臨關右雙鳥送闕前地爲天下脊人擬鄴中仙舊  
俗仍唐魏新猷在誦絃勉旃民社重莫謾誦烹鮮

烏泉寺

章經

曲嶂轉幽徑盤迴入長松殿角懸雲漢樹杪度疎鐘寺  
以泉得名山半流淙淙我欲極大觀飛攀佛耳峯遙睇  
西山紫層雲徐盪胸暮歸成短歌因之紀游踪

河交道中



山迴路不窮驅馬行將夕遠邇入眼盡起照翻山脊不  
子歷層巔去天不盈尺下際臨深澗削壁如列戟迤邐  
盡岸厓其境較坦適間以蒼蒼樹線以纍纍石巖花不  
知名或黃亦或白何由謝塵鞅長此着遊屐

題澹寧堂壁

結廬數椽傍城陰古木蕭疎映碧岑疑在中條巖屋下  
悠然一片白雲心

登昇仙臺

憑虛直上最高峯天半臺懸雲影重鶴馭九霄勞悵望  
萬山暮靄動疎鐘

壺關縣志

卷十

藝文下

三五

福巖寺

長嘯招提境公餘躡屐游白雲孤寺晚紅葉亂山秋  
幢影無風動經壇有月留塵機能頓悟身世復何來

登抱犢山同諸子各賦

攜尊登抱犢遠眺且停盃野草爭先發林花獨晚開青  
霞懸峭壁細雨過荒臺欲覓泉源處遙從山底回

登抱犢山

周 驤 慈谿人

石室容登眺千峯覆酒杯孤城春色晚荒寺夕陽開鷄  
犬同村徑烟蘿護玉臺當年稽叔夜空問素書回

春日登壺關城作



壺關城古太行連南望春遲憶杜鵑蕭寺半懸青幃外  
烟村多住綠楊邊上書三老家何處抱犢仙人姓不傳  
猶說頻年經戰伐棠梨開遍草芊芊

福巖寺

蒼涼關塞迥野寺白雲通積雪孤城外空山夕照中磬  
聲歸洞壑塔影亂飛鴻垂老耽禪悅圍爐話遠公

集飲章公暇

壽恒成 暨陽人

新障沙堤水遶城遠山晴翠入波明雨餘夾岸烟光合  
雲度中央練影生贖可銜盃同適意何妨作賦各言情  
地靈早識流應滙爭頌賢侯百世名

壺關縣志

卷十

藝文下

三

登栲栳山

馬溥

栲栳山顛倚翠微凭欄長嘯對晴暉疎鐘疑向雲中落  
野鶴時從寺外飛近接太行平頂看俯拖漳水當腰圍  
興來掃石長趺坐月滿岩阿未肯歸

紫團山雜吟有序

李之華 滄曲人

紫團諸勝予總角時聞之趨庭者稔矣及冠遊蘇  
門讀夏峰孫靜榮先生記如置身巖壑間每憾不  
能一探其奇如東坡之夢匡廬者四十年矣老大  
佐郡上黨茲山乃壺關境列在屬邑抵任六載欲  
遊者數次而皆為簿書阻作吏之俗以至如此可



嘆也乙丑五月自遼州代庖旋路乃決意往焉適  
孫羽斯門人道及其盛即以為導令之先行周  
遊余於中途因得遍歷諸勝記以小詩意少暇詳  
為之記以暢平生之想慕云爾

曉雨疎疎泥路塵東來山色更怡人千回百折盤旋去

滿眼鶯花特地新

自西河發紫團長浸小雨

愛花成癖事搜尋王者香中貴素心爭似此花雪色好  
孤芳移取在遙岑

得雪篇喜成

十二峯高列若屏仙媛峻閣藹青青佩聲每與松聲答  
擬向高陽月下聆

二仙祠望翠屏

壺關縣志

卷十

藝文下

三

寰海人爭羨濯纓谿頭石上幾題名我來其畔徘徊久  
想見行藏今古情

濯纓溪

憑高每愛夏峯奇此地奇峯冠四時雲霧終須成幻迹

浮沉身世一心知

摩雲嶺

古寨環山一水涵萬松鬱鬱翠成堆陰森六月清無暑

我欲持筇日日來

松陰消暑

浪捲千峰望欲迷一峯孤峙眾峰西煮泉小憩風生腋

鳥不知名遠近啼

小峯絕頂喚茗得句

萬峯拱立一峯彊怒竦青冥意氣昂望裏風雲阿護

乾坤應自淨偷槍

將軍峯



雲蒸近午渴思茶，偃蓋虬松當路斜。惟得風來香襲袂，  
滿岩開遍紫蘭花。松下小憩

昇仙臺上憶仙妹，縹緲雲旗擬步虛。坐月吹簫風露冷，  
紫霄何日賁鸞書。昇仙臺

百尺蒼崖鉄立堅，銀鈎玉箸舊流傳。我來空自增惆悵，  
滿壁苔花綴綠錢。摩崖碑

古洞雲封晝亦沉，探竒直欲竟幽深。蟬行螻屈隨周折，  
別有壺天物外心。紫園古洞

### 登龍溪山

牛俊

家在龍溪山下住，時來龍溪山上遊。龍溪山上可遠眺，

壺關縣志

卷十

藝文下

三

高閣危檻凭清秋，秋風凌空陣陣起。鴈字斜飛白雲裏，  
臨風把酒一放歌。名利紛紛奈我何

### 賦得日中靜無事

王華浙

喜見邑中靜恬然，一事無負常安飲。食閒豈迫追呼鷄，  
犬千村樂桑麻。百里紆公庭，誰復擾雀角。不相誣明月，  
琴堂照清風。花縣敷神君，饒德化傳誦。遍吾壺

### 佛耳摩雲

邑人 李天植

西來法相自氤氳，幻作青山護紫雲。猶剩不生不滅耳，  
川摩乍捲乍舒雲。當年梵語臨聽此，日松濤隔岸聞。  
一朶插天峯，昨嶂羊腸細折路斜分



北山雪巒

碎鋪玉屑漫高峯  
失却巉巖翠幾重  
紅耀赤城霞已散  
白明瑤島雪猶封  
烘晴烟擁孤村樹  
帶冷風飄野寺鐘  
試啟軒窗聊北望  
別開生面盪心胸

紫團山

馬士桂

紫氣團團繞太空  
危峯壁立鬱葱葱  
石壇縹緲雲藏日  
琪樹蕭疎雨帶風  
百丈飛泉濺曲徑  
一輪明月掛仙宮  
擬登絕頂為舒眼  
三晉河山指顧中

濯纓溪

千古爭傳孺子歌  
紫團山下泛微波  
纖塵不動蒼苔淨  
一色無痕白練拖  
此日濯纓綠忽淨  
當年洗耳意如何  
晚來更覺清輝溢  
明月娟娟掛薜蘿

翠微洞

翠微深處遠紅塵  
能得胡麻有幾人  
仙跡沉沉青嶂在  
洞門隱隱白雲屯  
風生榻外松何古  
雨洒竈旁草自春  
讀罷殘碑思往事  
靈風疑下玉京賓

杜四輔祠堂

馮士翹 長子

昔聞壺關四輔名  
今來展拜思先生  
老從黃屋依龍袞  
終卧紫團課鶴經  
堦前空臨遺像古  
松風猶憶曳笏聲  
可憐當日諸名將  
誰向秋泉嘯月明



佛耳山

秀拔東南獨此峯晴開扶步向遙空高低天地平分裡  
遠近山川一氣中細草常依雲外露幽葩不入世間風  
樓傳十二何方見呼吸遙遙帝坐通

摩雲寺

鹿苑岩堯橫碧空白雲生處闌梵宮畫龍壁蝕三春雨  
鉄馬塔搏午夜風僧去烟霞仍檻外鳥歸苔石自山中  
從來靜境誰常住谷口幽泉嶺上松

鳳山徐真人祠

壺天深處碧嶙峋傳道仙家煉藥頻栢染竈烟千古翠  
壺關縣志

卷十 藝文下

三

花含丹氣四時春嶺頭雲駐疑銀鶴石上露棲想玉賓  
獨立高峯空悵望一川浮靄上松檎

尚心軒好事近

周 驥

碧柳叫黃鸝玉砌朱櫻紅芍山縣放衙時早無意隨琴  
鶴 告天夜半靜焚香露浥緋衣薄消受壺中日月許  
觥飛河朔

前題朝玉階

初晴雀噪牡丹天春城含翠黛一庭烟曲池雙燕舞翩  
翩輕風吹柳浪落榆錢 醉翁亭上雪堂邊勞心多少  
寧恤民艱荒村犬吠趁花眠依稀忘晉魏住桃源



題亦隱齋壁

鍾世春

寄恒成

芳徑尋花緩步，畫欄聽鳥嬌啼。耕雲釣月他年事，切莫預尋思。且對眼前好境，還看石上留題。朝飛仙鳥青雲處，退食自委蛇。

問心軒同九逸諸子填詞

醉花陰

鄭瑞南

繡簾寶篆香初透，花露籠雕牖。心子正訥，絃皓月清風對影，雙携袖。呼僮命酒，薰金獸，趕蟾光如畫。一飲百千杯，看劍檢書，再把南華讀。

亦隱

并序

章經

古云大隱在山林，小隱在城市。余令壺邑，不敢當

壺關縣志

卷十

藝文下

三

蒙莊更隱小築，數椽暇則携琴。而人亦寄意爾會心，何所見小築，迥幽然。虛牖凝花雨，空階踏竹烟。親人魚鳥在托意，水雲前不必南山下。咏歌蒙叟篇。

問心軒

昔賢焚香告天，白雲無愧。余顏之問心，亦自勵云。萬慮紛無極，空疑祇寸心。追思三緘口，撫對一鳴琴。盡入圖書，靜春餘草色深。此中有所托，聊以滌煩襟。

冬日壺關郊行

曉寒踏雪游野望，一登樓。雲影綠山盡，鐘聲隔岸收。荒林知徑曲，亂石咽泉流。爲念關河遠，蕭蕭古潞州。



庚子九月登佛耳山

別再點

六根尚未脫筌蹄  
九日猶將佛耳躋  
法界圓通風過處  
聲塵寂滅水平溪  
閒結鬼火招松語  
自別蠅文讀舞雩  
爲問野僧生活計  
黃花翠竹盡天倪

壺口舊關

章經

透迤登翠到壺山  
控制中原虎豹關  
村市誰堪經戰伐  
雲桑那處問民艱  
河流萬里青天迥  
雲影千重紫塞閒  
我獨情深舒醉眼  
春晴幽壑聽潺湲

亦隱

張瑞錦

詎云官舍乏幽居  
此際真堪卜結廬  
花氣氤氳拂臥榻

壺關縣志

卷十 藝文下

三

雲光繚繞襲行裾  
門無俗客塵無擾  
座有清樽架有書  
獨羨使君成吏隱  
壺陽處處頌懸魚

十八盤

徐賁

土谷既深入高山  
復嶺岈微逕纔百尺  
下轉十八盤俯  
臨澗壑險勢陡不可看  
亂石闕磊何置足  
恐不安長纜  
那可托藤葛無由攀  
寸步每千慮舉動如蹣跚  
心胆掉  
欲碎毛髮亦爲寒  
戰兢尙未足何暇發  
慨歎平生行路  
心此日方知難

佛耳摩雲

朱雲鳳

佛耳高插天掩冉雲滿谷  
吉人玩弄變晴夕  
看不足地



風翠盪翻狀日錦屏巖曉摩霞影紅晚盪黛先綠卷舒  
纔無心悠然潤林麓蒼生渴霖雨逢爾生百穀

翠微仙洞

陳 霆

青天白日騰祥雲天風翼翼吹飛輪海天從許叱雷馭  
塵世那復遺仙裙從來純孝感天地帝遣西池列名位  
何年來看唐昌花却道雲斬玉峰去

乾隆丙寅夏五月苦旱乃仿春秋繁露法精心祈

禱得大雨因紀以詩

王 達

南郊步禱手拈香如堵爭觀祈雨方五老黃衣朝斗極  
兩行繼羽奏笙簧龍頭禮罷施膏澤豬尾燒殘格上蒼

壺關縣志

卷十 藝文下

三

大沛甘霖壇墀裏官民交慶兆年康

西林杜氏修塔河坡咏義詩

楊體信

峪坡遙接栢林巔水石崎嶇自昔然義表高山君肯後  
情垂古道孰居先嵯峨斷岸疑無路繚繞幽蹊別有天  
若向此中占視履考祥字字重雕鐫

前題

原鳳詔

瞻彼栢林西峙一岑行人來往馬戒駸駸

瞻彼栢林西阻若欽問誰鑿險行免驚心

瞻彼栢林林下多陰杜陵古族陰息至今

瞻彼栢林扶杜堪欽隨山開運不吝囊金



瞻彼栢林過者謳吟巖巖剝剝錫以好音  
瞻彼栢林對之攄忱履道坦坦沛澤恩深  
瞻彼栢林吉士可尋瑱珉克建永不涇沈  
瞻彼栢林栢節森森與杜蒞懋其勿斧浸

前題

張天龍

東來靈氣走西林大峪坡高接翠陰  
繫破羊腸千尺路修成鸞尾一條岑  
人行天際渾忘險馬踏雲中不畏深  
荒草亂藤應翦却好磨碑坂記君心

前題

西來谷口疑無路今到山腰別有天  
鑿港平開三里霧

壺關縣志

卷十 藝文下

三

刻崖高絡數層烟泉聲自和陽關曲  
松色間垂遊子鞍分坐石欄問姓字  
一條古道照心傳

前題

馮士翹

路繞青冥出聳巒邇來不聞唱行難  
雲根迥闕三千界水脉潛迴十八盤  
馬下秋風霜足穩人歸曉月露旌端  
高峯欲識轉坤手鳥跡離離印石盤

前題

王步月

名輩西林起竣功東嶺陳疏渠迥湧  
瀑鑿石靜塗塵曉度無濡軌莫登豈  
曳輪願借避路者相與識深仁

前題

馮士甄 長子



太行之山東南來丹崖碧璋齊奔迥峪口正當兩峰起  
中有一線路悠哉一線悠悠通車馬傷爾征人盡嗟者  
風落雨摧亂落何誰念水泥互漩瀉有杜兄弟住山根  
鬚眉丈夫六七人傾囊倒篋總不惜疏淪滑淤削嶙峋  
更誇六郎真氣有夏署冬寒忙奔走手攀巉巖笑巨靈  
地軸安來何日朽不朽盤盤入晴空山腰渾如駕長虹  
車馳馬驟誰知險時聞笑語落山風君不見漳源賤子  
最清間耽山愛水時過此山灣苦被農樵強相扳爲讀  
碑碣夕陽大道邊

前題

進士 馮文止 邑人

壺關縣志

卷十 藝文下

三

青峰數里扼壺關古道重開水石間旆遶雲谿人步穩  
鞭揚霧嶠馬蹄間胸羅二酉明坤軸手轉五丁闢地環  
利得碧崖題姓字長共流水對高山

前題

陳虞裔

平生道里間載履州寒暑前途思伸步往往多險阻偏  
此巖壑際悠然開通衢車馬一何適徂徒一何娛問爲  
誰之力有杜兄與弟高義踵前徽同心以利濟更道六  
節賢壯往世所希鳩工並督匠不惜親指揮功與道路  
長聲逐往來衆徒行任步趨揚鞭好壑控此間忘顛曠  
何處愁歎傾寄語行行者真修道自平



岸合峯迴峻坂長盤紆幾里意茫茫曾經險阻千山外  
那更摧殘一逕旁躑躅猶然愁馬骨優游忽已忘羊腸  
坦途須識幽人履遙指前林姓字香

匏齋楊老父母招飲友松亭感賦 傅景星

海內驚元草歸來伴赤松壯心催短鬢生事剝明農五  
嶽看圖壁三山識峻峯神仙如可學及此一相從

君呼松是友我以客爲家行李充山市年光閱釣槎太  
行新道侶少室舊烟霞亂後誰堪問荒村有樹鴉

卜宅南村近叢筠傍小廬當牕翻舊帖對嶼讀方書燼

壺關縣志

卷十

藝文下

美

百家糧鶴驚心避餌魚間雲與倦鳥幽意竟相如

折柳灞亭日榴開又一時區中緣不斷世外幾相知竹  
月高僧語松風國手俱床頭劍影動千里共離思

同匏齋靜齋兩年兄松峯秋眺 李萃秀

展輿尋秋挂角巾肅然依倚踏嶙峋烟嵐古澹兄兼弟  
松月蒼涼主共賓騰起流空香遠近峯來擁碧靚新陳  
齋心同向空冥裏語默相將情自親

乙丑夏日無待楊社兄邀集友松亭

宋 萃

飛葉秀拔巒山首幼學故作蛟龍吼香風曉夜吹



碧雲寒暑棖牕牖探竒偶逐謝臨川潦倒松陰儼若仙  
移席更邀蟾兔影洗盞再試葡萄鮮醉歌慷慨耳欲熱  
意氣縱橫起彈珠半世浪擲憐余老一代風流讓君絕  
幾年曾負名山期荏苒窮車恨獨遲此日相逢須盡飲  
杖藜重到復何時

紫團雜詠 錄二十四首

馮文止

何人浩劫悟真空幻境迷離笑轉蓬獨有鄉思掛雲樹  
隨風吹到紫團東

洞頂

紫團山色鎖天荒濕翠沾衣暑亦涼石骨玲瓏雲出沒

壺關縣志

卷十 藝文下

三

千門萬戶此中藏

鍾乳

空濛元氣孕真精水筋依稀壁上成聞說柳州稱上藥  
石鐘乳向玉牀生

玉女盆

裁冰鑲雪妙無痕四面渾圓任手門一脈靈源探不盡  
還來玉女洗頭盆

石筍

滿地浮屠滿壁花參差石筍亂如麻插空玉柱龍文活  
盡是空濛水氣坤



洞府清幽倚碧霄神僊無事自逍遙山靈不許塵埃入  
莫向凡人歎寂寥

二仙遺跡

相傳眾口豈無訛巧出天成物亦多何事真僊逞幻術  
偏留手印在山阿

真人父母墓

空中哀哭有遺聲指點靈風葬穴成一自高墳華表立  
二千年後事如生

天橋

壺關縣志

卷十 藝文下

三

神施鬼設此天橋石甕何曾匠巧雕七里樓南飛瀑布  
輕烟一抹畫圖遙

鳳山

盤古于今老鳳凰羽毛兩翅欲朝陽縱然不覓人間食  
忍使知音屬楚狂

龍山

不為舟楫不為霖蟠屈荒卑歲月深獨有餘威傳草木  
風來皆作老龍吟

落指碑

蒼德應知無愧辭淋漓血漬鐵梁時行人感歎思前事



落指碑成遺淚碑

參園

瑤光華采毓人參天設園林得氣深一自政和靈瑞絕

空山寥落到于今

古貢人參自宋徽宗政和間遂絕明初除其貢

雲蓋寺

前施華表後圍屏照壁遙連似列星向背陰陽天設巧

恨無人復志山經

寺前對照壁山東西兩華表山後十二圍屏山

翠雲洞

翠微仙洞翠微中石竇玲瓏萬竅通雲雨行時懸瀑布

蒙泉山下出無窮

二仙真人修煉之所其山石皆有竅相通大雨則水自山根出

壺關縣志

卷十

藝文下

堯

摩雲洞

古洞雲埋碧草豐侍郎遺蹟字朦朧自從燕邸彈冠去

不記當年野客叢

道嶂嶺

蟲聲花色尚依然四面蕭條十月天榮悴壽夭皆若此

武陵人憶遊秦年

山南向東西迤抱西北風不至故十月草木不凋昆蟲鳴趨如七八月時

熊耳頂遠望

羣山出沒亂如爭怪幻無端萬狀成世上奇峯安有此

我疑盡是夏雲橫

五指崖



五朵危崖五...亭亭玉立...相塵埃驚濤忽漲清泉水  
是否翻雲覆雨來

### 黃花寺

紫園盡處入烟霞蕭寺荒涼釋子家高隱先生持晚節  
台將身事託黃花元進士王廷筠隱黃花寺自號黃花老人

### 白龍潭

老龍窟宅接神淵粉暗丹陳不計年呼吸真堪通帝座  
白雲常竚寺門前

### 真人面壁處

面壁人何許令威化鶴時元談驚虎眼丹訣授龍眉世  
壺關縣志

### 卷十 藝文下

學

事花常謝仙蹤石不移太行千里外爭憶紫園師懷慶

年來洞取水旱則往禱塑像祀之士人稱為師傅爺

### 秋山即事

仄徑費盤桓猿愁接度難馬蹄驚木末人語落雲端地  
錦鋪輕翠天花吐薄寒山珍爭採取相顧失林巒

### 題壁

石磴盤紆欲到天紫團風景竚神仙紅稠幾樹三春雨  
翠遠羣山萬點烟過客何心驚伏鹿居人無事看飛鸞  
可能半畝營荒宅長此披雲伴月眠

### 西塔夕陽

進士 卽克謙 邑人



文筆高懸映攝提斜陽流景曜城西光連七級新聞覽  
照徹三乘舊指迷玉彈迴九飛絳闕金烏捷足躡丹梯  
河干日夕彌指染罽嶺增輝萬象低

山路晴嵐

朝行古道意閑閑無限岡巒翠靄間露浥青莎沾石髮  
風梳碧柳賦雲鬟輕拖遠岫榮松鬣澹掃平林逗竹斑  
路轉前村迎曉日綢繆五色覆闌闌

憶抱犢山

拈韻濡筆手自刪不成腔調却消閒灌嬰城外火雲起  
謾母峰頭朱鳥還畫永祇應時蕙圃客稀無碍閉柴關  
雪鴻沙上空留跡何日重歸抱犢山

壺關早發

言辭抱犢山而別羊腸坂墳墓隔渺茫田園隨曠遠子  
任送行人牽衣情繾綣長途萬里程跨驟啞驚蹇悵悵  
將何之自笑多疎舛迺首十八盤白雲迷蒼巘春暮過  
壺關杏花開石堰小村柳眼青征路紅塵軟出門欲託  
誰親友作郊餞三盃囑臨岐保重加餐飯

元日得雪志喜

元夜雪飄花滿天瑞雪凝虛柳飛絲高低屋上鋪銀瓦  
遠近墻頭砌玉傅樹樹因沾激樂歲村村澤被兆豐年



朝來鶴鷺行郊外愛看甘能潤麥田

己巳秋定襄賦別歸里

侯祖錫邑人

沱水蒙山尺五天鱣堂欲別意殷然秋風苜蓿霜應老  
明月青氈坐未穿科第文章稱盛事宮牆美富有餘妍  
三年鹿鹿無長處芹藻菁莪待後賢

夜雨蕭蕭動客思吟成元亮去來辭自慚南郭吹竽後  
猶記齊門操瑟時未遂青雲觀 上苑欣逢黃菊到東  
籬此行應與隨陽雁軒翥高飛共羽儀

丁亥夏秋久旱無雨村人迎神虔禱既而甘霖普  
降鼓樂導從以誌喜因賦此以紀其事

壺關縣志

卷十 藝文下

望

玉皇時夜降仙敕普霖蘇喘息海若龍神濟濟來  
黑雲飛空走霹靂玉女投壺天公笑馮夷擊鼓蛟人泣  
旱魃潛藏黑蜃躍九天雲垂海水立轉瞬西成大有秋  
藟屋窮簷皆粒食好生恰是上帝心為霖亦是龍神力  
香花黍稷為報功鐘鼓鏗鐃以崇德我聞昔時李衛公  
曾因行雨到龍宮暫借青驄施膏澤排空馭氣遊蒼穹  
神明豈必重官職榮耀不與凡俗同試看喜雨亭中記  
太守功仍歸太空

申南村前輩甲申徙皖歸里辛卯榮預重遊泮宮  
賦此呈政憶先君子亦繫辛卯入庠愴然有感



故未句及之

頻從絳帳接清光况復京華旅食常欣聞畫舫臨江空  
自裹青毡赴晉昌猶留院水棠陰暖尙帶清風香  
鬢宮六十年重到杖國於今又杖鄉

泮水重遊盛事希文章鸞掖仰師資衣冠濟濟新人物  
揖讓雍雍舊禮儀欬唾珠璣光塵尾追隨杖履識事比  
幾回惆悵趨庭日猶記春風鼓篋時

天中節前二日遊紫團山二仙廟邑台茹金鑿陰

年來久抱看山情此日登臨結伴行况是麥秋天氣好  
花香鳥語雨初晴

臺關縣志 卷十 藝文下

三

一片煙霞望紫團好山疑是畫中看壺林別闢壺天境  
翠滴飛來五月寒

勝地天開卅六峯峯峯攀惹翠華濃紅塵莫怪飛難到  
身在瑤臺第一重

瓊仙原本住仙村石上飛昇有舊痕幾朵蕊雲垂  
肯容俗子漫敲門

琳宮即此是天台雨洗階除半綠苔袖拂天花香不  
如知人白翠微來

仙居遙望紫雲封日暮山光落影重靜坐廻廊渾不  
曉鐘直聽到晨鐘



暫却風塵萬慮清  
仙風吹過一身輕  
只因偶入蓮花座  
談聽松聲作雨聲

娜嬛福地闢何年  
古洞曾聞尚有仙  
世外春秋都不管  
飛霞餐罷抱雲眠

磨崖碑峙幾經秋  
綠字斑瀾最上留  
天外筆峯凌萬古  
何須岫嶠問源流

仙源參圃舊留名  
若箇仙成換骨輕  
我為黎元無別祝  
家家飽煖即長生

壺林學署寫懷

訓導 邢 銓 忻州人

最是壺林地清幽  
寄我懷閒情觀畫  
本冷意入詩牌短

壺關縣志

卷十 藝文下

四

髮年知到癡兒夢  
與偕春風雖滿座  
孤影共空齋

遊述堰池

我聞上黨據上游  
壺林更據上黨頭  
汲水水澗不可得  
每當盛夏便生愁  
緩步放城曲層層  
石堰束父老爲余  
言云是章公築清  
池聚眾流李公繼  
芳躅飲水思源人  
欲笑利賴生民有  
實錄吁嗟乎試讀  
古來循吏傳幾人  
德著不能忘胡爲  
後之李前之章治  
蹟炳郁相頡頏爽  
禩千秋日月光

夏日登北寺消署

登臨爽勝地拜佛  
放詩豪殖學欽吾  
輩泰禪悟法曹平



疇生衆綠絕壑響松濤相約聯同志忘言醉濁醪

又

北寺披襟日南薰拂暑天箇中無俗韻有客力書田萬壑松風滿一樽酒緒牽逃名非欲學物外寄神仙

春日壺林寫懷

訓導 張鼎銘 洪洞人

一天淑氣普壺林酒味詩情兩不禁生意窗前看宿草新聲郭外聽鳴禽感時頻有還家夢集益常懷下士心共說春風能鼓物含芳桃李自成陰

翠微仙洞

王宣政 邑人

汕居縹緲最清幽翠色蒼茫洞口收孝德感天超萬古

壺關縣志

卷十 藝文下

望

靈山採藥歷多秋競傳淑女乘龍去遙憶長空駕鶴遊踏遍白雲看不厭此身合擬到瀛州

風穴秋音

山靈萬竅宛相通一片宮商響遠空石眼吹嘯生爽籟嶺頭呼吸引金風休疑颯颯來天外始信轟轟奮地中半枕新涼頻度處秋聲欲賦媿難工

燕池浮碧

方塘半畝翠網縕燕子浮空剪斷雲水面青萍香半繞城頭碧草影平分菱絲鴨浴添波色荇帶魚吞起浪紋地接奎樓饒瑞氣文光遙映對晴曛



團峰倚秀

文筆蘸天峙紫團高峯秀拔倚雲看腰藏鳥道迴環轉  
坂接羊腸曲屈盤日映林巒泉瀉白雪蒸洞壑竈流丹  
仙風妙引遊人趣縱目靈山得大觀

佛耳摩雲

白雲深處露真形象外摩挲足未停佛耳遙遮孤月小  
山頭遠眺數峯青玲瓏石上留真偈兜率宮中貯寶經  
爲步禪林參妙諦高僧說法靜中聽

烏泉夕照

潺潺遺響繞山林倒射波光夕照侵暮靄迎人常炳燿  
壺關縣志

卷十 藝文下

吳

北極靈跡

借笏鸞山事絕倫偶從遊戲識才人  
勲名赫赫留簡冊  
意氣洋洋動鬼神  
舉止原能驚耳目  
胷襟早已裕經綸  
競傳靈跡今猶古  
莫訝傳奇未必真

玉峽通天

玉峽崔巍壁立齊  
巉巖直許上高梯  
雲霄昂首天光近  
羊坂停驂日影低  
三晉雲山都拱北  
五陵衣馬盡來西  
雙峯偶斷關津險  
領略風煙擬舊題



琳宮仙筆

御風琳宇掃雲煙翰墨淋漓色尚鮮本愛高吟多人地  
偶揮椽筆宛成仙真人自昔留鴻迹遊士於今楊錦箋  
滿壁塵封僧指顧風流韻事箇中傳

梵宇金燈

莊嚴古刹氣冲融徹夜靈珠照不窮燈影輝煌原屬幻  
金精炳耀總歸空詩家妙諦參禪座佛頂圓光落梵宮  
聞到文明徵巽地壺林甲第路遙通

團峯倚秀

趙咸正 樂平人

太行一帶聳奇觀倚秀宜人足紫團絕頂雲遮倚翠蓋

壺關縣志

卷十 藝文下

七

當頭日照踴金丸碧羅掩映峯常靜華表平分勢永蟠  
欲訪長生來洞府應知仙竈尚留丹

佛耳摩雲

兜率西天不久停二生石上現真形山如有耳孤峯碧  
雲本無心幾點青對柏林常面壁斜依鸞寺欲聞經  
天花每逐餘霞散山片摩拏想性靈

翠微仙洞

仙人本性愛山邱誰識飛昇在女流洞口雲封迷舊迹  
禪心水止悟清修汲丹不待團參煉證果全因野苜收  
度世由來憑孝德黃龍下降說終浮



風穴秋音

曾聞玉峽名風騰此穴如何更有風習習常疑來嘯虎  
淒淒却似引征鴻未階暖律吹燕谷每聽秋聲起兌宮  
幸值瑤琴歌解阜從今不必辨雌雄

烏泉夕照

烏泉聞說倚松陰景已偏宜夕照沉墨發山腰通暗水  
丹流日脚閃遙峯斜牙樹影千層翠倒射波光萬道金  
勝地晚來添逸興隨八月又上東林

燕池浮碧

青萍點點逐波紋誰道芳池特地分蒲劍低磨騰寶氣

壺關縣志

卷十

藝文下

吳

奎樓倒映煥奇文寧以龍騰浮紅掌定有龍宮擁綠雲  
一自前朝疏鑿後臨流幾度憶蘭君

北極靈跡

藥榜誰推第一人當年北極早通神傳言借笏原非幻  
預卜簪花信有因意屬英才文必達祥開福地武惟真  
西山廟貌今猶古靈跡傳聞在搢紳

玉峽通天

自古太行稱上黨誰知玉峽與天齊俯看林慮孤城渺  
迴望花梯萬井迷陟關風門嚴堡塞高岡劍閣銷雲霓  
因思恃險何如德幸際承平息鼓鼙



琳宮仙筆

岳陽三醉在何年又見題詩古聖傳  
昌老無心消日月  
眞人有筆燦雲烟依然浪跡疑  
逋客偶爾清吟笑謫仙  
一自青蛇飛去後琳宮片石尙留鐫

梵宇金燈

燈明古刹太行東聞說飛來自遠空  
時豈月中珠蚌耀  
地非海外燭龍烘雖關佛力依禪座  
總是文星出異宮  
歸院金蓮從此兆祥開科第屬壺中

遊紫團山

歲貢王華齡

策馬名山看紫團烟花三月春未闌  
茅亭我欲峰頭結  
尺五天光到廣寒

壺關縣志

卷十 藝文下

吳

紫團山下問仙村苦苣今猶帶涕痕  
莫道飛昇多幻境  
滿山風雨護柴門

路轉峯廻望翠臺探竒隨意坐莓苔  
鄉人說是昇仙處  
爲訪遺跡去又來

無計優游樂晚年修真每憶紫團仙  
清風明月憑消受  
採藥歸來自在眠

絕頂高寒夏亦秋尋芳誰把古碑留  
磨崖有字傳千古  
信是人間第一流

開雲幽鳥曉風清性分重時世分輕  
路隔紅塵眞福地



仙聲纔罷又松聲

道光辛卯恭逢

皇上五旬萬壽

恩詔加

科郡伯飭縣修重遊泮宮故事壺邑以待御申  
南村瑤明經奏書三秀舉兩先生例預盛典七  
屬所無也士林榮之贈詩者甚眾時予初膺歲  
荐蒙縣尊招陪勉賦七律二章以紀其事

魏科

恩綍下神州推廣

皇仁德意優眉壽天

將純嘏錫泮池人又舊宮遊文章軒翥早翔鶴歲月綿  
延老杖鳩五馬歸來稱盛事簪花相伴足風流

公十三歲入泮

吳文宗錫字鶴翔

壺關縣志

卷十 藝文下

五

八十三齡地上仙伴遊底事宛同前恭逢

聖壽恩

多士廣布

皇仁禮大年品卓一方人矯矯經明卅

載腹便便白頭二老簪花處爭似耆英洛下傳

七里棧憶七盤關咏懷

昔聞百蜀險今上七盤關屏列山千仞秋澄水一灣馬  
蹄遊子急牛背牧童閒極目舒懷處思將俗慮刪

福巖寺弔古

南渡金人事已終名山寶刹此猶雄桑田滄海悲何限  
默默無言坐晚風

寺係金人創建

栢林懷古



幾度南行望柘林低徊社事情荆楚烟霞如昔松風古  
一代名人何處尋

佛耳山弔古

當年廟貌竟如何此日登臨感慨多香火無人鐘尚在

殘碑斷碣認巖阿

鐘馗潘府  
香火院

道光八年重修文廟憶歷代前輩

記得當年廟貌成辨方正位最分明宮牆美富松聲古  
金碧輝煌泮水清處處捐輸存厚道家絃誦奮科名  
碑鐫歷代魏表在補葺增修望後生

團峰倚秀

邑原

王泰魁

率口

靈關縣志

卷十

藝文下

至

秀出羣峰外團團紫氣重崖牽青薜荔岫削碧芙蓉十  
二樓臺接三千境界逢縱觀頻指點岩畔水淙淙

佛耳摩雲

佛耳高無極亭亭不計年聽經來福地聆樂奏鈞天流  
借銀河水傾依玉殿烟會須臨絕頂身到白雲邊

玉峽通天

不識通天路今臨玉峽關晴巒青窈窕遠水碧潺湲日  
月摩肩過烟雲繞膝還巉宮欣有藉翹首願登攀

北極靈跡

北極通靈日兒媳跡著奇神呼黃甲龍人許白丁祥姓



字登龍榜聲名到鳳池壺林文運微利見願乘時

翠微仙洞

見說昇仙事于今上翠微人曾乘鶴去花雨傍溪飛洞  
敞寒烟鎖林深古月圍千秋欽孝德蒼蒼認依稀

梵宇金燈

暮鐘纔響罷燈火滿山林朗映巒巒石光流照點金  
疑珠蛤耀明認燭龍侵梵宇收書好良霄興不禁

風穴秋音

古穴何年闢秋風陣陣生山疑穿二酉地不伏三庚  
爽和松韻飄蕭雜雨聲亭前纔小立涼意滿軒楹

壺關縣志

卷十

藝文下

五

烏泉夕照

夕陽無限好返照到山隅古寺雲飛白寒泉水瀉烏石  
排紅瑪瑙樹架赤珊瑚不藉丹青手天然一畫圖

琳宮仙筆

識得仙家趣琳宮妙筆留烟霞山色古蘆荻水聲秋句  
摘三唐秀書傳兩晉逾禪房清夢繞恍似到瀛洲

燕池萍瑤

何處春光好携壺到小汀鶯啼堤上柳燕掠水中萍靜  
納樓陰碧空涵草色晴暖留春不厭擬結一茅亭

西林草堂



不辨山光與水光雲烟深處憶行蹤  
他年一掃塵中事定向先生借草堂

### 過三老墓

古墓荒涼鳴對禽幾番感慨徵長吟  
蒼松偃曲煙光鎖宿草迷離月色侵  
片牘足回賢主怒千秋共見老臣心  
夜來墓畔飛磷度渺渺英風自古今

### 過靈顯觀憶純陽祖師並用原韻

閱盡山巔與水涯移人情處即爲家  
學音嘶斷前溪雨鶴影衝開峻嶺霞  
採藥雲中樹滿袖揮毫石上筆生花  
詩成欲問蓬萊客果否壺中可煉砂

靈顯縣志

卷十

藝文下

五

鴉門山

上有廢寺在邑東南鄉人勤罕至有堡岩遺址

殘巖盤空策馬過鴉門古寺勢巍巍  
松林結曲臨青澗古徑荒涼繞碧蘿  
明月清風誰管領殘碑斷碣自摩挲  
搔頭欲共諸天語路到蟾宮有幾何

### 壺林書院雜咏

瑟瑟宵涼透帳前短檠懸壁樂陶然  
夜深妙檢詩家品最愛青蓮第一仙

書中意味本深長船得真珠願始償  
默坐不知更漏盡雜聲報到讀書堂

玉宇無烟亦無雲水輪微浪散奇書  
自謂偏得此意好



那許揚州占二分

玉帶橋

邑廩 王鼎魁 選齡子

當年內翰過金山方丈曾留玉帶還此地命橋應有自坡仙何日到壺關

雨後登高望山

雲梯轟轟麗晴輝覽勝閒遊上翠微雨後山光堪畫處  
農人披得一簑歸

團峯倚秀

邑廩 王震魁 選齡子

峭拔上雲端名山紫氣團真人何處覓仙草古春殘秀  
繪東西表嵐疑遠近灘幾時臨絕頂一覽豁心肝

壺關縣志

卷十 藝文下

五

燕池浮碧

東風飛絮逐燕掠一池萍淡碧浮城堞餘香繞水亭三  
分春靄靄九子種青青幾度奎樓望疑鋪翡翠屏

玉峽通天

玉峽高無際登臨暮色凄危崖通地腹絕壁映天臍關  
逼青霄壯銘疑碧落題廣寒宮闕近尺五尚嫌低

遊章公堰

邑庠 閻庭芳

偶步章公堰乘涼坐晚堤水光涵鳳嶺川脉溯龍溪渠  
浚常疏北城高倒映西碧空天一色望斷暮烟低

燕池浮碧



春深滄海綠萍稠燕子池邊景色幽濺落珠璣浮水面  
鋪來翡翠映樓頭地臨學舍通芹藻客憶槎仙泛斗牛  
漫道風光容易老纔思歸去又勾留

獅石歌

拔貢 連國珠 長治人

天下山形多變相奇峯怪石紛難狀五嶽大觀未獲遊  
胸中邱壑時相向三晉雲山遙亘連壺關高踞太行巔  
其間徃徃多異跡荆榛蕪沒埋村煙北珏山頭鳳嶺麓  
居人繚繞山出沒側峯轉入北庄村村跨山腰枕河腹  
村南有石一丈餘形如獅子鎮山軸沐日浴月幾千年  
狎獮攫網盤陵谷聞說隣村厭獅噉斧斤夜半試鬼膽

壺關縣志

卷十

藝文下

七

月黑火光觸處來恍見殷血流獅領此時村人皆怖慄  
作其之而其誰敢乃知天造地設之殊觀俱有神呵鬼  
護在國關余性素好探靈竒攀蘿捫薜每忘疲一峯一  
石有如此名山大澤更繁思何當蠟屐買千兩洞天福  
地恣清賞歸來斗室作臥遊會投足跡徧天壤嗚呼我  
作北庄獅石歌曠懷宇宙寄遐想

前題

廩生 申青桂 長治人

後倪本神物萬里威風逞何時西域來蹲伏北村嶺陋  
哉鄰村氓畏其吞噬猛率眾持斧斤敲齒復繫頸訛傳  
鐘鼓騰妄謂血光炳羣心驚靈異聲息一齊屏甚矣人



好怪令我笑齒冷石火豈無光草本疑風驚心中有鬼  
神耳目不遑省從茲怪事傳此路幾荒梗妄言因妄聽  
畏形兼畏影獅巒聳靈秀威鎮玉山永舊志繪殊姿遺  
趾尙完整邑乘好搜奇異說不徒騁願言秉筆者並入  
壺中景

前題

廩生

任炳章

上黨之東十餘里一帶巒峯稱特起中有獅子踞山腰  
威靖熊彪與虎兕不知鍾毓自何年生氣凜凜動壺天  
瓜牙隱約多神異比鄰環顧競後先憶昨靈跡動山村  
眈眈西視氣欲吞不期人心生狡計靜待更闌夜月昏

壺關縣志

卷十

藝文下

美

接踵來時同蟻聚攜鋌擊處擬兵屯欲試戈頭鋼百鍊  
霜刀一落星星見赤焰閃灼照眼明徧體淋漓疑血濺  
未幾族衆盡懾心忽聞比戶正鳴金入耳有聲人濟濟  
回頭不辨夜沉沉何暇人人聯比耦摩肩而來奪路走  
回顧不見奇石蹲猶是餘音臨風吼試問此夕計何施  
正是良音假寐時寂無人知猶有威凜乎難犯此爲奇  
精靈於今傳不朽覽勝之筆肯相遺

前題

攬勝臨高頂芳塘一鑑開客因消夏至山欲送秋來獅  
嶺排丹壁龍溪湧翠隄同人遊賞處清絕擬蓬萊



文殊東訪紫園仙身騎青獅踏雲烟  
 頰石點頭來聽講法中龍象秘真詮  
 遺將獅形省若石至今靈跡人間傳  
 大獅高踞班山頂小獅伏蹲北庄前  
 千載神通殊寂寂吼來母乃成羊眠  
 夜半一聲獅怒叱金毛玉爪自光懸  
 天骨奇詭若將去眾生羅拜佛山巔  
 乃知佛法多幻相全力搏歸大願般  
 我聞談虎欲變色又聞說鬼亦欣然  
 有客告余獅石異石不可鑿詩共鐫

獅子嶺雜咏

舉人 吳應傑 邑人

殘碑斷碣渺無傳廟貌巍巍我不言  
 百年四十餘家崇報享

壺關縣志

卷十 藝文下

七

元君佛力永壺天

石獅

獅子山前獅子形鬚眉活現立亭亭  
 天生峭石休言怪寄跡烟巒偶效靈

池上小憩

同人酌酒小山巔酒後新詩次第聯  
 愧我無詩空有酒激流枕石且安眠

松下納涼

獅子崗頭數百松松前列坐影重重  
 清聲忽送東山月照人池源欲化龍



和前題

副貢 吳守鈺 邑人

此我常遊處今朝伴客來天光攢翠碧地勢絕塵埃手  
擷芳花馥眸疑倦鳥回摩挲獅子石托咏愧鴻裁

初伏遊風亭

邑人 李燮元

夏至三庚火未流良朋伴我共晨遊邱亭氣爽何妨暑  
石竇涼生將近秋脫帽披襟憩甕牖論文載酒醉星樓  
不須羽扇頻相引自有清風陣陣投

佛嶺殿角得無字碑

佛嶺峯高境最奇清秋晚霽更相宜烟拖原野平嵐台  
夕照禪林斜影移寒岫花殘山嶺面澄潭月印水沉眉

壺關縣志

卷十 藝文下

美

追尋古跡渾難覓殿角遺留無字碑

磨崖碑籀書歌

舉人 王令德 邑人

古崖高峙俯羣溜依石磨碑字刻籀籀不少延籀字有  
余懷渺渺撫碑候祖龍煽虐燎詩書字法尤嗟周史舊  
重命斯爲小篆書蝸涎鳥跡改原構風流雲散嗟茫茫  
巖巖危崖獨未仆剝六陰深碩果存毫端骨力峻嶒瘦  
深山或慮傳聞訛子細摩挲不少謬世代滄桑人事非  
剗形深淺如新鏤鸞翔鳳翥下羣仙虎卧龍盤輝列岫  
縹緲嵐光拂石來枝枝玉樹臨風秀非以大亭遮非以  
深簷覆非以居民巡非以山僧守天教實物壽人間特



昔秦家改制繆秦嶧遺鐫秦望碑願將此碣比妍陋吁  
嗟乎伏生在世書難燒籀字尤多山鬼神嬴氏紛更竟  
若何磨崖古碣山同壽君不見岌岌太行巔白雲漠漠  
常封岫

前題

廩生 王佩蓮 令德子

太行岵嶽俯羣岫石磴雲梯風颺颺上有危崖空際懸  
依形磨碣字鐫籀籀家書法李斯更秦政以來已不觀  
此碣蜿蜒留古文惜哉解事人多陋或言寶刹鎮名山  
白馬真經碑與壽東漢永平迎佛來佛來尚在此碑後  
或言舊此駐仙人嘯詠烟霞丹篆就朗朗琳宮仙筆存

壺關縣志

卷十 藝文下

五

亦殊一十五篇舊稱仙稱佛總茫茫索解敢承眾說謬  
岵嶽遺辭石鼓文古碑大抵古人鏤古人不作古書存  
剔蘚剜苔認舊構奕奕風神宛轉間鸞翔鳳翥虺蛇走  
似竒不似楞嚴經佛子傳鈔字半繆亦異山陰寫道經  
右軍真本今難購天留法物禪文人雨雨風風石不仆  
子細摩挲逸興生細將不律摹肥瘦摹形容易摹神難  
歷久纔堪馳與驟得意疾書發浩歌身依日月手門宿

咏孤山

邑庠 李德制

孤峯聳似柱風擎石飛舞超然雲霧中不與羣山伍





